

Mere Manna

Mere manna mere mea,
Ite novas a cust'annu
Pro piaghene a ti lu leas
custu sonnu prenu 'e afannu
Mere manna mere mea.

Imbriacalu custu mundu,
chi nde falet abbardente
e una chida a ballu tundu
ballet totu custa zente.
Imbriacalu custu mundu.

Rundinedda Rundinedda
Naramilu si in beranu
as a bener dae inedda
a imbentare su manzanu.

Mere manna mere mea,
fala como dae su chelu,
gai ti faches un' idea
si su mundu est macu aberu.
Mere manna mere mea.

Noi sichimus a sonare
chin su sàmbene cuntentu,
no lu lasses imbetzare
mere mea custu momentu.
Noi sichimus a sonare.

Rundinedda Rundinedda,
naramilu si in beranu
as a bener dae inedda
a imbentare su manzanu.

Rundinedda Rundinedda
Naramilu si in beranu
as a bener dae inedda
a imbentare su manzanu.